

Atodiad B1**CYNIGION ARBEDION EFFEITHLONRWYDD 2014 – 2017**

Teitl y syniad	P6 Dadgomisiynu cytundeb lefel gwasanaeth gyda Cymorth i Ferched De Gwynedd
Adran	Plant a Chefnogi Teuluoedd
<p>Beth yw'r cynnig? Yn hanesyddol mae Gwasanaeth Plant Gwynedd wedi cyfrannu arian drwy gytundeb lefel gwasanaeth i Cymorth i Ferched De Gwynedd ers nifer fawr o flynyddoedd. Yn wreiddiol roedd y cyfraniad y sylweddol uwch na'r hyn sydd yn cael ei ddyrannu yn gyfredol a chytunwyd i gwtogi ar yr arian rhyw 5 mlynedd yn ôl. Ers hynny mae'r arian sydd yn cael ei gyfrannu yn talu am weithiwr plant rhan amser sydd yn rhoi gwasanaeth yn y gymuned ac yn y lloches i blant unigol ac yn gwneud gwaith codi ymwybyddiaeth yn fwy cyffredinol.</p> <p>Erbyn hyn, yn sgîl yr hinsawdd ariannol, mae'r gwasanaeth o'r farn y dylid diddymu'r cyfraniad yma o arian craidd y gwasanaeth plant i Cymorth i Ferched.</p> <p>Mae'n debygol y bydd barn fod yr argymhelliad yma yn cael ei weld fel torri gwasanaeth, ond hyd yn oed heb y cyfraniad yma ni fyddai cyfrifoldebau a dyletswyddau statudol yr Adran tuag at blant sydd yn byw mewn sefyllfa trais yn y cartref yn newid. Mae'r cyfrifoldeb i asesu anghenion, ymchwilio materion diogelu a darparu gwasanaethau i'r teulu yn aros gyda'r Adran Plant a Chefnogi Teuluoedd. Mae Cymorth i Ferched De Gwynedd yn derbyn arian sylweddol drwy ffynhonnellau eraill ac yn hanesyddol mae Gwynedd, yn wahanol i awdurdodau eraill, wedi bod yn rhoi cyfraniad o arian craidd gwasanaeth trwy gytundeb i'r mudiad. Mae'r gwasanaeth o'r farn na fydd unrhyw effaith ar gyfrifoldeb statudol y Cyngor drwy ddiddymu'r cytundeb. Mae wedi bod yn anodd derbyn gwybodaeth ynglyn a chanlyniadau i blant unigol drwy'r gwasanaeth ac er fod cyswllt uniongyrchol gyda plant a phobl ifanc sydd unai yn byw neu wedi byw mewn sefyllfa trais yn y cartref, ychydig iawn yw'r dystiolaeth fod yr ymyrraeth yn gwellu ansawdd bywyd unigolion. Nid yw diddymu'r gwasanaeth yn newid dim ar gyfrifoldebau partneriaid i adnabod a chyfeirio pryderon amddiffyn plant.</p> <p>Yn sgîl yr angen i asesu pob cyllideb am werth am arian, mae'r gwasanaeth o'r farn fod dadgomisiynu'r gwasanaeth yma yn opsiwn sydd â risg isel ynghlwm â fo.</p>	
A yw'n gynniig cadarn neu amlinellol?	Amlinellol <i>nes bod penderfyniad cabinet ym Mis Gorffennaf 2014.</i>
Swm i'w arbed	£33,810
<p>Ar gychwyn pa chwarter o'r flwyddyn ariannol y gellid tynnu'r swm allan o'r gyllideb? Mawrth 2015</p>	
<p>Effaith ar Bobl Gwynedd Ychydig o effaith o risg isel</p>	

Effaith ar gynlluniau'r Cynllun Strategol / Polisi

Effaith ar faterion Cydraddoldeb

Effaith ar Staff

Ni rhagwelir unrhyw effaith ar staff Gwasanaeth plant a cefnogi teuluoedd.

Effaith Gofodol

Dim.